



Här Claude Wiseler  
President vun der Chamber

Lëtzebuerg, den 8. Juli 2024

Här President,

Esou wéi d'Chambersreglement et virgesäit, bieden ech lech, dës parlamentaresch Fro iwwert e **rassistesche Virfall op engem Kommissariat vun der Police souwéi d'Verbrede vu Videoen aus dem Policealldag** un den Här Innenminister weiderzeleeden.

An der Press ass aktuell ze liesen, dass e Video um Internet zirkuléiert, deem e rassistesche Virfall op engem Kommissariat vun der Police weist. Op dësem Video wier ze héieren, wéi Beamt\*inne sech iwwert e Police-Stagiaire, deem déi duebel Nationalitéit huet a scho fir déi franséisch Police geschafft huet, respektiv dësem säi franséischen Accent lëschtteg maachen. Et wieren och nach aner Kommentarer gefall, déi de Stagiaire erdroe misst.

Et ass keen Eenzelfall, dass e Video aus dem Policealldag am Internet lant. Ëmmer erëm kennt et vir, dass Videoen an de sozialen Netzwierker landen, déi vu Policebeamt\*inne während hirer Aarbechtszäit gefilmt ginn.

An dësem Kontext erlaben ech mer folgend Froen un den Här Minister ze stellen:

1. **De Pressebüro vun der Police huet de rassistesche Virfall schonn denoncéiert, an de Parquet an d'Inspection générale vun der Police enquêtiere schonn. Wat fir eng konkret Konsequenze sinn a Fäll wéi dësem fir déi responsabel Beamt\*inne virgesinn?**
2. **Wat fir eng Moosname sinn en place, fir rassistesch Virfäll oder aner Forme vun Diskriminatioun bei der Police ze verhënneren?**
3. **Ass d'Filmen an d'Online-stelle vu Videoen aus dem Policealldaag am Aklang mam Code de Conduite vun der Police?**

Mat déiwem Respekt,

**Meris SEHOVIC**  
Deputéierten

